

獲首級壹拾肆顆右營把總楊仲試斬獲首級
叁顆又率領募兵馬自華等生擒紀阿魁得貳
名斬獲首級壹拾陸顆把事張啟朝并家丁張
啟敬等生擒脚底吉革傀咱叁名斬獲首級壹
顆把事張熠生擒白儀脚木貳名吏嚴仲舉等
生擒脚撒白魯貳名又同本屯軍民方勇等生
擒白魁那刺脚堡阿歹阿普伍名斬獲首級叁
顆建昌衛軍周正等於本屯殺死賊壹名又同
軍民樂自容等生擒馬康紀白貳名斬獲首級
貳顆建昌衛掌印指揮徐韶文同家丁軍健徐

安龔應廣等生擒菊乃吓姑脚勒白車白姑脚
魁脚卜阿約阿支阿啟捌名斬獲首級伍顆內
龔應廣跳城立斬壹顆又射傷叁人建昌衛巡
捕指揮施秉彝同家丁巡軍施元張相等生擒
別捺脚約阿六叁名斬獲首級伍顆建昌前衛
巡捕指揮王詔同家丁巡軍王用趙月等生擒
勒坡壹名斬獲首級壹顆建昌衛軍張儒等斬
獲首級貳顆奪獲馬貳匹軍鄭時乾等生擒孺
姑厄拍近圭脚卜紀什魯撒陸名斬獲首級壹
顆軍民余策等生擒脚募壹名斬獲首級肆顆

重刻確菴曾先生西蜀平蠻全錄卷之三

奏議

蕩平都蠻敘功疏

題爲仰仗

天威蕩平都蠻廓清疆土恭報全捷事據四川布按
貳司清軍右布政使馮成能分守上川南帶管
下川南道右叅議沈伯龍兵巡下川南道副使
李江呈准鎮守四川總兵官南京中軍都督府
署都督僉事劉顯手本開報敘戎都蠻稱亂貳
百餘年荼毒生靈撫剿未定近該巡撫四川曾

都御史肅將

明命積餉徵兵巡按四川監察孫御史振紀宣威申
明天討布按諸司守巡等道協謀共慮及府州
縣大小官員趨事赴公本年伍月初一日克破
凌霄城陸月拾玖日克破都都寨捌月初旬進
兵該本鎮躬同監軍道李副使督同原任總兵
郭成敘瀘叅將張澤守備沈茂吳憲等遵照曾
都御史分投調到漢土官兵布爲伍大營併力
齊攻於本年玖月初玖日子時先鋒兵壹千名
乘雨霧銜枚捫蘿密取一路用飛梯連接扒上

九絲城各營官兵黎明接戰上下夾攻蠻衆拚
命拒敵我兵奮勇血戰自子至午賊始披靡官
兵乘勝焚燒寨房數千餘所燒死惡蠻不計其
數在陣擒斬共計壹千陸百餘名顆俘獲蠻婦
牛畜銅鼓夷器查明解發紀功官紀驗明白轉
解外併將各擒斬有功員役分別願錄願賞願
贖罪緣由到道卷查隆慶陸年拾月初玖日准
總兵劉顯手本據指揮郭文報稱本月初捌日
被蠻王方三哥賊首阿羊兒等勾引蠻賊在於
高樓子地方坐草捉虜民婦牛畜本職親督標

下指揮把總等官郭文劉招桂吳鯨呂崇舟劉天俸周于德張大祥郁鳳郭添虎周紹先張仲安杜棫楊文燁追敵各蠻獻出原虜人口於拾肆日夤夜各上寨拒守我兵復追至彼攻戰當被官兵用鳥銃火器打死者百餘傷死者不計拾柒日劉顯發兵叁路仰攻焚燒方三賊寨當陣生擒貳名斬首壹拾柒顆賊婦貳口得獲標弩等器伍拾貳件拾壹月初捌日千總頭目宋三元阿顙阿問等督兵阿店等擒獲阿羊兒又該劉顯看得上羅門得居落下紅崖等鄉叛蠻

前來助敵先當剪除於拾貳月貳拾柒日夜督發名色把總羅順哨官楊啓茂周坤山羅汝敬千總宋三元與阿顙等及蒲九思嚴汝登率領夷兵又發守備楊能同標下把總劉招桂吳鯨督領遊兵鳥銃手將各寨燒燬擒斬惡蠻壹拾柒名顆墮崖燒死者不計萬曆元年貳月拾伍日據叅將張澤飛報百戶于謙典史祝旦領兵往螺螄寨出哨被叛蠻伍千餘衆出犯在彼將各官兵并居民圍住見在敵殺請兵應援劉顯卽統標下官兵吳鯨劉招桂周于德張大祥郁

鳳程裕後等馳赴接應一面先令張澤督率把總呂崇舟指揮千戶等官劉天智彭良啓申大謨等下兵勇奔至地名八聖山正遇各蠻彼此戰敵官兵奮勇當陣斬獲蠻級玖顆鳥銃火器傷死甚衆各蠻俱退上凌霄城倚險拒敵又據張澤呈報蠻王阿苟見得官兵敵殺恃惡聚衆凌霄要行報復本職親統標兵徑往長寧縣潛伏截殺又密發楊能吳憲監生何鈺各統部下兵勇於叁月拾壹日分路進攻黃泥坡官兵四面舉火燒死蠻男婦女難計其數被蠻首阿豹

率衆拚死出寨抗敵當被我兵殺死阿豹阿迸等百餘跌崖死傷者亦多比因雷雨交作止有楊能下家丁楊世榮等吳憲下家丁吳才等何鈺下家丁何勝等把總龔絡與兵勇趙一忠劉佐李汝學李萬深阿黑阿二阿熊么等各斬首壹顆共計壹拾叁顆備報在卷隨奉本院案行都布按三司會議大征事宜詳允及行左布政使羅璠會計軍餉本月貳拾壹日奉本院誓師敘南謂此舉將以除數百年之妖氛申億萬人之怨恨非特征不庭於罔赦且用遏不逞於未

平定縣志 卷之三
行各宜奮勇抒忠布昭

神武務在犁庭掃穴震疊

天威乃出定議以決狐疑傳諭檄以激虎士申明信
賞必罰毋或有初鮮終破隣夷暗助之積奸散
漢人脅從之餘黨進兵之時戒貪取首級之功
嚴濫殺老幼之禁分行右布政使馮成能協贊
機宜副使李江監軍叅議沈伯龍理餉分守川
西道叅政王官用督糧水利茶法道僉事周思
充紀功又委知府陳大壯措辦軍需同知容朝
望知州羅向辰知縣陳嘉言楊汝柵等隨營分

理推官高文炳查驗功級同知曾可耕通判朱
克丘梁師道立推官吳文全知縣沈值張九思
等查核軍情督運兵餉又委經歷照磨州同州
判縣丞主簿典史巡驛等官陳忠楊文楣馮梧
等或僱船押運或分管收支或買辦催造俱各
遵照定委事務協心供職隨奉本院密行總兵
劉顯及郭成張澤差武舉李之實設間把總呂
崇舟謝秉華哨官陳文龍助同於肆月初拾日
前去凌霄城下將久叛蠻王阿苟并賊首阿肉
阿繆阿奎阿王保阿汝近陸名計令下城隨據

通判洪一貫執謀擒獲劉顯卽親統坐營指揮
葛瓊把總等官郭嘉福等將落豹高寨克破當
陣斬首拾顆俘獲小蠻壹名被虜阿正朝等叁
名貳拾肆日又發把總呂崇舟等官兵將惡淚
坎等寨克破胡祿呂崇舟下兵勇蕭世德等斬
獲首級壹顆百戶于謙隘官湯洪儒下兵勇林
應朋等斬獲首級壹顆典史祝旦下兵勇夏應
廣等斬獲首級壹顆貳拾柒日葛瓊督令主簿
周崇恭把總黃希忠何子宸百戶樊啓元土舍
阿恩隘目阿牛領兵阿降阿改等生擒叛蠻阿

關等肆名口斬獲首級貳顆及調永寧宣撫奢
効忠領兵前來劉顯督同郭成張澤等官兵於
伍月初壹日大破凌霄城除已具

題外所有應敘功次劉顯標下官兵吳鯨劉招桂
周于德郁鳳張大祥聶永相劉天俸王文信黃
衫阿富沈朝王文通彭應元陳清張宋王愷楊
道劉天貴劉天坤龔絡彭良啓張明徐良華阿
開羅廷甫鄧朗蒲九思吳憲杜杌趙陽王用等
各斬獲首級壹顆共計叁拾壹顆主簿方昂督
同地方白臺等擒獲被虜壹名郭成部下兵勇

鄭龍等肆名奮勇先登官兵阿天張成汪汝高
李朝實李仲江阿母徐軻呂崇舟汪東秀汪貴
等各斬獲首級壹顆共計壹拾顆陳祥等生擒
蠻婦壹口張澤部下官兵汪應保張保王義申
大謨王貴阿刀翁銀劉仁富葉俸朝彭四尹虎
等各斬獲首級壹顆共計壹拾壹顆葉俸朝等
生擒壹名葛瓊下家丁葛天貴等斬獲首級壹
顆又與報効田世武共斬獲首級壹顆宜撫奢
効忠下拜兵斬獲首級肆拾柒顆生擒玖拾貳
名口內壹名係蠻王阿么兒共俘獲被虜監生

胡天錫等伍名燒燬寨房貳百餘向倉貳拾間
穀豆無數奪獲水黃牛叁拾伍隻羊伍拾捌隻
猪肆拾壹隻標貳百柒拾柒根弩壹百捌拾貳
把弩箭壹千叁百柒拾玖枝梭槍壹百貳拾陸
根皮鼓叁拾伍面劉顯會同副使李江當將牛
羊器械給賞衝鋒兵勇訖又據原任都司韓似
甫呈報差兵勇李榮等在於小堡地方拏獲叛
蠻細作阿雷并斬獲首級壹顆典史祝旦督領
遊兵李仁等生擒蠻賊尹金榮壹名本月初拾
日又奉本院案驗照得大征都蠻竊聞道傍之

議尚有引貳百年故事爲說者此必畫於凌霄之功今兵精糧足該鎮雖以閩事被論

朝廷特爲勉留於此不感激思奮抑獨何心今奉

明旨查勘有無師期成算仰道通行將領各官約期面議各吐肝膽審機宜決猶豫叅伍衆見會通群心歸於至當將運用次第密書成冊具報各官卽到敘州府會議明白當蒙本院與總兵劉顯議同先克都都寨斷其左臂以便進兵調取鎮雄府土舍隴清領兵前來於陸月拾伍日夜奪占阿元寨子并發官兵將平寨高寨董木壩

蠻房千餘間盡行燒燬拾柒日劉顯與郭成發把總劉招桂呂崇舟等領兵將紅崖坡底一帶大房燒燬拾捌日劉顯督令郭成并守備沈茂及隴清分兵仰攻有劉顯標下把總劉招桂張大祥郁鳳應襲舍人楊維新等當陣共陣獲首惡阿黑王阿廖王等首級肆顆又密令把總吳鯨等於本日夜襲破都都寨除已具

題外所有應敘功次坐營官葛瓊守備沈茂與吳鯨周于德李武王愷程裕後劉天俸王茂周紹先龔絡千總龍鳳劉天受副總劉天元應襲劉

經同家兵葛進忠等於拾玖日各斬獲首級壹
顆共計壹拾伍顆指揮郭文軍兵孟道奴生擒
阿造壹名郭成部下把總呂崇舟邵榴劉汝悌
徐軻兵阿二等各斬獲首級壹顆共陸顆奪獲
被虜羅應元壹名隴清下兵余子敬等斬獲首
級柒顆奪獲被虜李六生徐萬祖貳名各蠻墜
崖死者不計燒燬寨房貳千餘間奪獲穀稗纂
柒百陸拾餘挑牛肆拾壹隻犬肆拾伍隻銅鼓
貳面皮鼓伍面梭標叁百貳拾陸枝破壞斑竹
梭竿叁千壹百叁拾枝弩拾把弩箭玖百捌拾

捌枝刀拾陸把夷甲壹拾貳領夷盔玖頂茶壹
拾貳筭當卽分散官兵訖貳拾壹日劉顯標下
旗牌官唐民育贊畫官王用夷目兵阿熊么等
於兩河口斬獲首級伍顆把總黃希忠等生擒
阿睿壹名監生何鈺等奪獲被虜壹名熊叅貳
拾陸日千戶陳一策等於水車壩擒獲奸細壹
名阿輳柒月初伍日郭成部下官兵指揮魯興
周百戶張宗和把總郁鳳等同家丁於印壩山
下生擒阿歐阿當阿結叁名家兵劉天受等斬
獲首級壹顆兵鄭龍郭友義等俘獲蠻男阿尾

長兒阿完參名被虜羅萬富三受阿元阿五楊
保伍名奪獲蠻甲貳領梭槍壹枝初捌日戎縣
申報民兵張侯等生擒壹名阿逃貳拾叁日原
任都司韓似甫家丁韓果等於合麻溝生擒阿
掛壹名標壹枝以上并分布官兵緣由具
題訖比有阿大王領慣戰惡蠻千餘劄上雞冠嶺
險絕異常阿二王方三王等糾合蠻衆札上九
絲城與鷄冠嶺相對城下周圍肆拾餘里俱絕
壁懸崖勢難飛越僅壹貳鳥道人迹略可容足
者并列排柵九層削山爲塹絕竹爲梭懸石當

空投標絕谷我兵雖衆連營正在兩山之中萬
仞深溝之側阿大陽稱就撫陰結九絲期以官
兵進攻先後來擊使我兵腹背受敵諸將莫敢
輕進隨奉本院差官齎捧

令旗令牌壹面催兵進攻九絲一面密諭道鎮并
發原充通老見問軍罪犯人黎朝佩等暫齎冠
帶銀牌往諭阿大天兵四臨許待以不死如敢
暗助九絲定另發精兵先剿及將續調馬湖天
全土兵列爲外衛以牽制阿大該劉總兵隨機
用計將雞冠黃土內官等寨郭成亦將母猪弔

猴崖都得金等寨奢効忠亦將落武落拘得居
印靶山等寨各蠻俱暫准稱降仍差把總劉汝
梯徐子明監生何鈺及黎朝佩通老徐志趙興
敬分投在寨坐守何鈺等設間許以重賄佯言
某欲殺某投降又該招出降夷羅萬良等貳千
貳百伍拾肆名口各與安置衆蠻因此互生猜
疑觀望不發我兵得以專力九絲乃分兵伍枝
各路齊進柒月貳拾肆日蠻王方三聞知張澤
在長寧縣賞兵東路兵虛乘間差蠻突出搶虜
運糧史壩驛驛丞董思明仍四面伏草希圖掩

襲職官以挫我兵銳氣該劉總兵一面行守隘
官嚴加防禦一面行各營合圍進剿貳拾陸日
督領都司徐仁威侯一位原任遊擊吳繼祖守
備沈茂吳憲石柱宣撫馬斗斛平茶邑梅天全
各土官舍楊正崇楊通承高恒等進劄黑帽尖
山鑿山開道截水造橋又蒙本院看得各寨被
虜人民畏懼太兵思歸無路牌行副使李江速
製招旗小牌齎發各寨令其執牌速出及示諭
各營官兵如有妄殺被虜查出抵死一時漢人
奔命逃回者不計其數貳拾柒日郭成下哨官

郭天智等於都都寨脚下奪獲被虜壹名吳應受貳拾捌日家兵史朝應等於都都寨下生擒壹名阿庚被虜貳名王伸劉轉么又指揮郭文同家兵帥自俸等於深溝子斬獲首級壹顆奢効忠下拜兵小羊兒等斬獲首級壹顆戎縣典史祝旦通老趙萬聰等於得廣寨斬獲首級壹顆貳拾玖日宣撫冉維屏發兵於兩河口斬獲首級壹顆高縣知縣何汝質申報督令募兵郭東山等生擒奸細壹名小意捌月初陸日劉顯發把總周于德張大祥百戶王鶴齡守備吳憲

指揮李承恩千戶韓京同家丁周貴等於九絲半坡得羅斬獲首級各壹顆共陸顆同日參將張澤督領原任守備立功官田世武指揮申大謨宣撫奢効忠等官兵進劄殺爆寨初柒日劉總兵攻上九絲半坡劄管將周圍斑竹都峇上中下三寨盡行焚燒各蠻與官兵迎敵鏖戰壹晝夜當陣應襲劉綎把總杜杖郁鳳守備沈茂旗牌官唐民育武生黃時濟王德義并蒲九思吳應龍同家丁張清等各斬獲首級壹顆共拾顆初捌日敘州府經歷陳忠下家丁陳增把總

王愷弁孫自庸吳應試吳應龍等各斬獲首級壹顆共陸顥初玖日郭成督領指揮魯興周宣撫冉維屏石耶土舍楊正魁等官兵進劄印靶營各蠻前來落外迎敵隨發指揮魯興周魏組百戶葉茂林把總呂崇舟等領兵前去接戰烏銳打傷百拾餘蠻死者陸拾有餘當陣把總呂崇舟邵榴總旗張籃張永得哨官董國臣兵勇徐世臣等各斬獲首級壹顆共拾顆奪獲木竿梭槍皮鼓陸件宜撫冉維屏下頭目海通等斬獲首級貳顆同日宜撫奢効忠下兵沙奮於麥

易營斬獲首級壹顆拾壹日叅將張澤督兵劄上半坡以攻九絲之右拾叁日郭成下家兵郭友忠等於得金寨斬獲阿宰王首級壹顆拾肆日劉總兵發降夷阿果等於九絲半坡路口斬獲首級貳顆拾伍日兵劉武臣等斬獲首級貳顆拾陸日張澤下哨官劉安義等於漏箐兩河口擒獲蠻婦什淚什美貳口小蠻貳名拾柒日奢効忠發兵攻打九絲拜兵者榮等斬首壹顆拾玖日拜兵阿胡等斬首壹顆貳拾日郭成領兵進劄九絲山下同日奢効忠發兵攻打九絲

冠帶邵明邦兵羅住等斬獲首級陸顯被虜阿
問張真狗胡正受參名藥箭射傷參拾餘蠻貳
拾壹日又奉本院看得蠻垵得窰地方茂林深
澗慮恐各蠻仍舊突出搶糧截路行委原任都
司韓似甫領兵劄得窰口松潘東路參將胡大
賓領百戶邢仁等兵劄蠻垵口以防奔逸兼護
糧夫貳拾肆日劉顯發廕襲土舍文安民下兵
攻打九絲家兵黑保扁頭等斬獲首級貳顆貳
拾伍日張澤下兵陳友贊等於九絲脚下斬獲
首級壹顆奢効忠發兵攻打九絲弄兵阿朽等

斬獲首級叁顆俘獲蠻男女阿拘阿后阿燥叁
名口被虜黃秉朝壹名貳拾柒日劉顯下指揮
郭文守備沈茂吳憲并吳應龍等於黑普寨各
斬首級壹顆共肆顆同日郭成發兵攻打九絲
兵勇涂永相等斬獲首級肆顆貳拾捌日鎮雄
土舍隴清領兵進劄得二得羅等處及奉本院
訪得鄰近土司先年調征都蠻乘勢貪財因機
受賄陽稱攻剿陰肆交通往往無功反遭挫衄
牌行各土司痛除徃弊如有包藏禍心日久無
功即係賊黨事完定行移兵并剿貳拾玖日高

縣知縣何汝質申報操兵阿鍾伏等於蘇灘擒獲奸細壹名阿卣又本院遣發火牌行監軍道示諭各營官兵務宜竭忠畢力以受殊賞若觀望退縮有不用命者該道卽時綁赴

旗牌前斬首示衆并諭各兵進攻之日止令擒斬兇狠首惡其老弱幼小之蠻只許生擒不得槩殺該副使李江同總兵劉顯督令伍路漢土官兵自玖月初壹日起不論晴雨晝則捌面齊攻夜則攀崖襲寨賊設排柵玖層當用鳥銃挨牌打死蠻衆不計各蠻仍拚死固守梭竿礮石標

槍伏弩下擊如雨又值霖雨黑霧咫尺不辨人形相持不下隨奉本院申諭原議蕩平九絲懸賞銀叁萬兩各營官兵有能効命先登直搗巢穴者不俱擒斬多寡爲第壹功多給懸賞續上九絲獲功多者爲第貳功量給懸賞其在城下獲功者爲第叁功止計功給賞又蒙密諭道鎮各營合擊須取壹路密登俱經遵奉傳諭諸將初貳日奢効忠謀襲九絲遴選死士乘夜偷上九絲被賊驚覺交戰殺死蠻衆不計昇兵亦陣亡重傷數多乃退兵回營初陸日李江劉顯密

謀議將把總吳鯨標兵與官舍楊正崇士兵內
挑選勇士各懸重賞諭令周于德同領襲攻初
柒日郭成親統部下把總呂崇舟等并土官舟
維屏土舍隴清各兵豎立敵樓奮勇齊上克破
叛蠻當關倉圍直逼九絲第貳層鳳頭尖山幾
至絕頂被蠻衆拚死迎敵拋放礮石梭竿甚衆
郭成督兵就彼屯營拒守復奉本院差官申嚴
號令并取先鋒甘結諭令脅從速獻首惡投降
以免屠戮又蒙巡按孫御史憲牌催督將領官
兵協力攻剿速破蠻巢初捌日劉顯標下指揮

把總等官周紹先尹從壽羅袍文簡王嘉印等
各斬獲首級壹顆共伍顆同日吳繼祖赴李副
使稟稱平茶衝鋒兵仍要重賞方肯襲巢隨行
知州羅向辰動銀叁百兩給發楊正崇分散各
兵仍另外許以重賞至一更時分吳鯨周于德
與楊正崇親赴劉總兵帳房內密諭蠻衆連日
苦戰明日重陽蠻俗賽神又見官兵攻打常待
天晴今大雨如注必放心飲酒正可出其不意
仍傳箭各營刻期接應密令吳鯨等督發原選
衝鋒漢士兵壹千名乘雨攀藤銜枚縋上懸崖

伏至黎明砍開寨門殺死守門惡蠻放銃集兵
賊衆驚覺拒敵隨有把總劉天俸周紹先及馬
斗斛楊通承等漢土衝鋒兵登山接應當得總
兵郭成安大朝參將張澤及奢効忠冉維屏隴
清等兵四面齊攻協力截殺焚燒寨房參千餘
向倉壹百餘間煙焰燭天炮聲震地各兵分投
擒斬大破九絲城巢穴一空除燒死墮崖落壘
死者不計外劉顯標下守備指揮把總千百戶
等官沈茂吳鯨郭文周紹先朱承勛陳一策劉
天俸廖道亨羅袍文簡劉綖劉天元黃希忠郁

鳳周于德張大祥徐慎王安國侯高劉招桂楊
瑚彭良起王思相李承恩王鶴齡尹從壽王嘉
印王用修吳憲吳應龍陳才劉亨何鈺王茂龔
絡王用杜棧費孔年周崇恭劉瑄李衡劉添智
劉添俸王愷程裕後賈奎蔡欽倪能吳元勳余
希忠孔繼祖郭之屏潘繼武李宗望蘇繼武宋
震劉汝茂徐子明朱明李旺玉尚賓等并平茶
官舍楊正崇邑梅長官楊通承石柱宣撫馬斗
斛土舍馬邦文天全土舍高恒楊萬盛平夷土
舍王用文等斬獲首級連前伍顆共壹百捌拾

肆顆生擒阿掃阿甕等陸拾伍名奪回被虜阿
旺等柒名口郭成部下指揮把總千百戶等官
魯興周呂崇舟郭天心徐軻塗可達魏組楊應
昇樊啓元秦松朱承勛汪東秀鄒文黃忠邵榴
葉茂林聶永相葉拱南耿應元王安國馬昇張
國奇陳暉郭天祿吳浦宗徐春齡徐軻謝秉華
何恩郭紹榮潘體乾李獻忠劉汝悌李官等并
酉陽宣撫冉維屏石耶土舍楊正魁鎮雄土舍
隴清等兵共斬獲首級壹百伍拾叁顆生擒阿
謝王阿育王等壹百伍拾捌名口奪回被虜阿

賞阿龍會等壹拾陸名口安大朝部下指揮把
總千百戶等官韓似甫安世爵周世祿周應武
朱伏朱鸞等官兵共斬獲首級肆拾玖顆生擒
阿篩等肆拾肆名口奪回被虜阿伏兒壹名張
澤部下指揮把總千百戶等官申大謨田世武
胡祿吳賢魏仕化張之維張承宗張潤吳烈郭
銳戚芳夏奇張仁王世達于謙葉鳳張舟張朝
用楊堂丁鶴年胡福劉安義并土官土舍奢効
忠等兵并斬獲首級叁百玖拾捌顆生擒首惡
阿惡阿亨阿印阿鶩等伍百貳拾肆名口被虜

回生等肆拾名口各營奪獲諸葛鼓壹拾貳面
梭標弩壹萬伍千餘件水黃牛壹千壹拾隻穀
穗約壹萬餘挑官兵乘勝於本月日期不等追
捕餘蠻破毀得茂落外得二得杭羅門筆架印
靶紅崖得居穀爆崖頭扇子洞惡淚等寨各蠻
奔逸母猪雞冠弔猴各處隨牌差黎朝佩等行
原委坐寨官徐子明劉汝梯邵明邦前去用計
誘出母猪等寨詐降酋首阿瓦阿早等肆拾伍
名過郭成營中乘夜將阿瓦等擒綁解報有阿
大等自恃鷄冠險寨擁兵不出該劉顯督令郭

成安大朝張澤統領漢土官兵於拾玖日子時
奮勇齊攻燒焚巢屋壹千餘向倉貳拾餘間穀
穗數千餘挑衆蠻逃奔絕嶺劄寨拒守官兵晝
夜鏖戰至貳拾貳日寅時克破雞冠嶺併周圍
蠻寨得柔黑普得金都金內官黃土小毛壩黃
毛岡落兩溝落晚落旦脚板溪落瓦浪哇五村
得羅等寨劉顯標下官兵沈茂劉天俸吳鯨周
紹先吳憲李承恩劉招桂王愷郭文尹從壽吳
繼祖陳嗣昌倪能文簡羅袍王嘉印劉綖王鶴
齡黃希忠劉天元龍鳳劉亨劉天受張廷瓚郭

嘉福車深李建郭天禮李甫周于德黃時濟夏
良貴宋三元韓京羅順王茂吳元勳李必祿羅
從受張興王繼先鄭元勳并宣撫馬斗斛官舍
楊正崇楊通承等土兵共斬獲首級貳百伍拾
顆生擒首惡阿荅王小阿富阿苗阿果阿鄒阿
高阿堯等壹百叁拾柒名口奪回被虜紫受等
貳拾肆名口郭成部下官兵呂崇舟郭天心葉
桂陳元彭應年樊啓元張貴汪東秀黃彩邵榴
陳暉葉茂林鄒虎李貴徐慎蔡亨周勳魏組聶
永相侯貴劉海孫鏗張安福汪童余福何恩并

土官土舍冉維屏楊正魁等斬獲首級貳百零
柒顆生擒阿彪等連前阿瓦等肆拾伍名共壹
百零柒名口奪回被虜阿羅二等叁名口安大
朝部下官兵許仁向伏三張貴沈乾保馮興七
等斬獲首惡阿花并首級壹拾肆顆生擒梅條
等壹拾肆名口奪回被虜阿來壹名張澤部下
官兵胡祿張潤劉天榮湯鴻儒王嘉禾胡啓朝
等并葉倖朝丁鶴年夏奇吳賢吳啓胡福申大
謨劉衛陳志臯陶漁王顯祖祝旦等攻破小凌
霄水樓寨和尚寺等處及奢効忠等共斬獲首

平蠻錄 卷之三
級壹百捌拾肆顆生擒阿拘阿八等壹百貳拾
陸名口奪回被虜阿二狗等貳拾名口奪獲諸
葛銅鼓拾面皮鼓貳面穀穗約玖千餘挑松潘
叅將胡大賓下兵勇陳三等生擒阿麥等貳名
續奉本院差官執牌曉諭雞冠嶺險寨雖克首
惡阿大等尚逃未獲而輜頂母猪等寨亦未蕩
平頒懸賞格鼓舞士心戮力盡剿又蒙本院親
臨珙縣督屬官兵協謀搜捕貳拾陸日劉顯督
發應襲劉綖及周于德劉招桂吳鯨劉天傑王
茂徐子明兵勇周儉等各率部兵追搜林箐蠻

王阿大仍領賊衆百餘據險抗敵官兵奮勇大
戰自寅至午劉綖爲首周于德劉招桂吳鯨周
儉阿寅爲從衝入賊陣生擒阿大并叛蠻阿傲
等共貳拾名斬獲首級壹拾壹顆比弔猴崖衆
蠻據劄山頂自恃周圍壁立叁拾餘丈止有一
線窄徑人不可登逞兇抗敵我兵對山找搭敵
樓肆座各拾貳層上用發貢鳥鏡交擊各賊水
食俱乏勢甚窮迫至拾月初柒日劉顯設計誘
下數蠻各管官兵乘機攻上險寨及將山下落
夏落皮得金得果魚堦深溝落下池白所定丁

革斗涂塢落引等寨巢穴焚剽一空劉顯標下
吳鯨劉招桂周紹先張大祥沈茂吳憲郭文龔
絡帖文華李衡李繼勳伊惟衡黃希忠郭朝儀
朱承勳耿應元侯高陳初芳楊忠朱孔顏并宣
撫馬斗斛等共斬獲首級連前拾壹顆共壹百
壹拾柒顆生擒阿般阿略阿喜等連前阿大等
貳拾名共陸拾壹名口奪回被虜阿更等貳名
口郭成部下呂崇舟聶永相謝秉華葉茂林李
藤徐軻廖道亨魏組李獻忠吳國正梁必登孫
鐙等并土官馬斗斛等共斬獲首級壹百壹拾

肆顆生擒阿義王阿貢等伍拾叁名口奪回被
虜阿么兒等伍名口安大朝部下官兵殺手張
林張童等斬獲首級陸顆生擒阿來阿山等陸
名口張澤部下官兵申大謨田世武胡祿張潤
胡福楊堂蔡亨張保張舟郭天龍吳烈江朝宗
張之維于謙戚芳劉衛等并土官舍奢効忠奢
崇禮天全土婦馬氏等土兵共斬獲首級玖拾
貳顆生擒阿好阿桀阿掠等肆拾柒名口被虜
陳七生等貳名口共奪獲諸葛銅鼓伍面標槍
壹千玖百餘件黃水牛貳百捌拾貳隻初玖日

平蠻錄 卷之三
總兵劉顯發兵攻圍母猪寨比方三率眾拒敵
當有把總龔絡及劉招桂吳鯨劉天俸張潤郭
文呂崇舟爲首周儉陳汝夷陳春周紹先爲從
衝入陣內擒獲蠻王方三把總徐子明訪知雞
冠寨箐林中尚有蠻賊逃匿前去搜捕間當被
眾蠻拒敵陣亡劉總兵仍行郭成安大朝張澤
等各哨漢土官兵協力攻打母猪寨密令劉汝
悌等率領降夷上寨計誘招降拾壹日郭成擒
獲方三義父首惡阿祖王招出羅萬良親族羅
朋等壹百貳拾柒名口拾貳日五更時分諸將

標兵及冉維屏奢効忠等各奮勇攻上母猪寨
焚燒蠻房千餘所燒殺蠻房不計并破周圍蠻
寨落拘得挖應童青岡落埋貫大黃土妹都黑
羅等處劉總兵標下周紹先吳鯨郭文尹從壽
廖道亨李繼勳趙爵郁鳳周于德王用劉天元
陳增芳劉招桂劉天受張國現劉瑄李必祿周
山劉廷俊黃希忠李清侯一位韓京吳從周朱
頤等官兵共斬獲首級壹百貳拾肆顆生擒阿
甕阿打阿弓等連前方三共玖拾柒名口奪回
被虜阿友兒等陸名郭成部下呂崇舟徐軻陳

元邵榴聶永相郭天心劉汝悌樊元李藤陳暉
潘繼武周世祿魏洪仁張得爲楊應昇張安福
張成伊惟衡周繼商李宗望楊忠郭紹榮陳於
道汪童秦松李承祖謝愛張英孫鐙魏組甘祿
周勳袁洧方登龍徐椿齡程希閔并土官舍冉
維屏楊正魁隴清隴寄梅等共斬獲首級貳百
陸拾叁顆生擒阿閩王阿綱王阿貢王阿浪王
阿益王阿勞王等壹百玖拾陸名口安大朝部
下官兵韓似甫單廷勳詹春陽馮興七安世爵
等共斬獲首級叁拾貳顆張澤部下官兵申大

謨田世武胡祿張潤吳賢張承宗張懷定楊成
吳福魏仕元王仕達于謙石萬鰲潘體乾張仁
張朝用丁鶴年江朝宗劉衛秦繼宗并土官奢
効忠天全土婦馬氏等共斬獲首級壹百肆拾
肆顆生擒首惡阿元王阿才王等并餘蠻阿好
等捌拾貳名口奪回被虜阿啞等柒名口共奪
獲銅鼓貳面標弩等噐叁千捌百餘件又該叁
道會同總兵劉顯督發官兵吳鯨周于德吳憲
王愷張大祥張閏劉瑄劉天受張案陳材周紹
先哨長鄭寵等在貴州地名大盤山生擒蠻王

阿二呈解本院審發紀功道驗核訖以上通共
前後克破凌霄九絲都都黃土內官轎頂母猪
雞冠弔緘印靶得金得柔毛壩落晚筆架得杭
得果都金得窠得居落豹紅崖落外落卜小凌
霄水樓和尚寺等大小險寨陸拾餘處焚燒墜
崖并逃入深箐餓死者不計生擒斬級俘獲共
肆千陸百壹拾伍名口顙內稱王酋首阿大阿
二方三阿花阿苟阿祖阿賞阿留阿盜阿降阿
甕阿歪阿擺阿撒阿瓦阿早阿苗阿果阿鄒阿
高阿堯阿元阿才阿明阿訥阿義阿浪阿桂阿

好阿閏阿網阿貢阿降阿勞阿謝阿玉等叁拾
陸名招安貳千叁百捌拾壹名開拓田土周環
肆百餘里得獲諸葛鼓玖拾叁面古文銅鍋壹
口鐵鍋壹口梭槍標弩皮鼓等器貳萬柒千貳
百伍拾壹件牛羊犬壹千伍百壹拾餘隻穀穗
約貳萬貳千餘挑焚燒房屋板倉柒千肆百餘
間當陣將牛隻槍弩穀穗犒賞有功官兵銅鼓
聽解及量酌官兵應撤應留行各將分任責成
外爲照戎縣都蠻犬羊異類豺狼兇資占據中
國版圖陸鄉盡沒依憑殊方天險歷代逋誅盤

據九絲而以凌霄都寨爲羽翼出沒延袤不止數百餘里憑陵陸縣而以殺人放火爲嬉遊虐劉荼毒且將貳百餘年歷年或撫或剿竟以夷情叵測反墮其奸遂使阻命近郊如同異域今者仰藉

聖明御極至德明威布昭無外而碩輔本兵遠授訐謨以致文武各官大小戮力遂使自古未克之雄巢雲中拔幟積年逞兇之逆首麾下駢肩擒斬將逮五千威靈獨伸萬里經營甫踰叁月平成已定百年此誠西南未有之奇功除相度形

勢修建衙門經理田土善後事宜陸續另議呈詳等因開報到臣卷查嘉靖肆拾伍年內該前巡撫四川都御史譚綸案開戎連高珙都蠻之患其來已遠先年征之率屬苟且了事以致懲艾未深遺孽復肆良爲可恨除大舉征剿候計定題

請該道將領等官將堡隘遊兵如法訓練等因在卷隆慶貳年內准兵部咨爲條列民瘼仰紓聖懷事該禮科都給事中何起鳴條陳處都蠻以除民害一欸本部覆奉

平蠻錄 卷之三
穆宗皇帝聖旨依擬行欽此又准兵部咨爲議定將領駐劄以安地方事該前巡撫四川都御史陳炯題將永寧叅將改移歇馬壩駐劄以控諸夷本部覆奉

穆宗皇帝聖旨是欽此隆慶參年內又准兵部咨爲叛蠻僭王大肆猖獗等事據高縣民鄧通等奏又爲叛賊僭稱王號大肆猖獗等事據珙縣民尹文光等奏俱奉

穆宗皇帝聖旨兵部知道欽此備咨前來隆慶肆年內又准兵部咨爲積惡叛蠻大肆猖獗等事該前巡撫四川都御史嚴清揭帖并該巡按四川監察御史王廷瞻題爲都蠻猖獗異常攻劫鎮隘綁虜職官懇乞

明嚴諭撫臣亟圖征剿以彰

國威以保地方事內稱都蠻大異往日擁衆千餘分枝肆出燒燬各鄉廬舍蕩然一空屠戮陸縣居民殆無虛日地方大可憂可畏莫甚於此及今若不亟爲區處仍復因循故套不免玩寇殃民遺將來不測之患等因該本部覆奉

穆宗皇帝聖旨這叛賊著嚴清會同安大朝督率各

平蠻錄 卷之三
該守巡將領等官作速征剿務期盡絕以靖地方
盧梁吳啓東都着革了任其餘依擬欽此隆慶伍
年內又准兵部咨該前巡按四川監察御史王
時舉題爲叛蠻大肆猖獗綁虜官兵燒燬衙門
事又該前巡撫四川都御史陳瓚備咨前事開
稱都蠻肆毒未息時勢鼎沸原設叅將周宗遊
擊謝崇爵叅議包汴僉事田應弼剿賊均非所
長若不建置大將難
奏膚功等因本部題奉

穆宗皇帝聖旨周宗謝崇爵姑着戴罪殺賊包汴田
應弼各罰俸貳箇月欽此萬曆元年柒月內又准
兵部咨該臣題爲計處地方夷情以便剿賊事
本部覆奉

聖旨是這蠻賊稱亂多年着曾省吾劉顯悉力盡剿
以靖地方欽此本年捌月內又准兵部咨該臣題
爲仰仗

天威官兵奮勇計擒賊首攻破險寨事本部覆奉
聖旨是這蠻寨既破着曾省吾劉顯督率文武將士
乘勢運謀奮勇進剿務要掃除盡絕以靖地方阿
苟等即便處決梟示其餘依擬欽此本年玖月內

又准兵部咨該臣題爲貪肆將官負罪深重事
本部覆奉

聖旨是征蠻事重劉顯姑著上緊滅賊自贖立有奇
功仍議陞賞如逗遛觀望養寇殃民通論前事一
併重處欽此又准兵部咨該臣題爲計處兵糧酌
議功賞以廣軍儲以勵人心事本部覆奉

聖旨是欽此俱經備咨前來通行欽遵外又該臣題
爲仰仗

天威再克險寨併報分布官兵事具本題

知及多方畫策獎率將士申明號令并行副使李江
臨營督陣去後今據前因叅照都蠻種分孟獲
號西南桀驁之夷地阻夜即賦豺虎貪殘之性
雖漢土周遭率遵聲教而彊梁中梗獨肆憑陵
阿大雄據九絲復翼以方三等逃囚愈加煽逆
頻年勢吞陸縣乃近將敘瀘等內地亦罹卮危
貳百年撫剿相尋數拾載猖狂益甚僭稱王號
擁旗幟而生殺一方屢抗官兵逞戈矛而震驚
三省綁拏千戶百戶莫敢誰何焚劫各堡各城
幾無噍類屠殺則膏骸遍野係虜則男女成羣
戮及嬰兒又貫擄叢炊以博戲剽施孕婦仍焚

尸掘墓以淫威罪稔惡盈鬼怨神怒柰以高山
大箐向來稱亂既自負巢穴之難窺而彼逸我
勞前此出征亦誠苦樵蘇之莫繼豈知地險本
不足恃天網竟復難逃屬

英主御極之元年奮

赫怒安民之大勇

明見萬里任帷幄以運前籌守在四夷自

廟堂而決勝算謂茲寇不可玩其在法所必誅是以
猛將桴鼓以折衝勁卒控弦而敵愾糧糗浮江
而下噐甲列山以屯首夏試兵而凌霄即破於

三日中秋結陣而九絲旋滅於三旬既西拔都
都寨以除腹背之虞又北搗雞寇嶺以絕咽喉
之扼一掃零星小寨速若燎毛悉俘梟獍大憝
勢同破竹信有征而無戰果用夏以變夷計首
功數逾肆千焚墜而死者無算約田地畝盈拾
萬米穀所產者甚饒番夷震讐如鼓以雷霆咸
謂

天威莫測童叟歡呼如出諸水火共祝

聖壽無疆即今已空彼巢穴而列障於吭背之巔以
次當集我兵民而雜耕其肥沃之野已洩幽明

平蠻錄 卷之三
之憤永清巴蜀之氛地方幸甚臣等幸甚所據
內閣輔臣遵

神斷以詰戎兵揚

主威而兼夷狄本兵大臣壯遠猷於樞筦暢雄略於
要荒此其勲庸簡在

聖心俱非臣之所得言者及照前巡撫四川都御史
譚綸創謀剿賊矢志救民團練民兵製造火器
今日之役寔本受成陳炯嚴清陳瓚劉斯潔或
議設將以經略地方或清稅銀以儲蓄軍餉見
任貴州巡撫都御史蔡文義急鄰封預催將領

前都給事中何起鳴巡按四川監察御史王廷
瞻王時舉先後睹陷溺之民次第申撻伐之請
前巡按四川監察御史孫濟遠當郭成之論罷
定反側於呼吸之間方劉顯之議征決可否於
淆亂之際巡按四川監察御史孫代澄清共念
勉文武以忠勤開濟一心常夙宵而耿切紀法
嚴於告誡風采肅於官軍但與臣俱爲憲臣遵
奉

明例不敢論敘且是役也上憑

朝廷寵靈下藉文武匡濟臣等幸因人以成事敢貪

天以爲功至於諸有事於軍務効勞員役相應分別
敘論以昭激勸照得鎮守四川總兵官南京中
軍都督府署都督僉事劉顯氣本無人心懷報
國自請纓弱冠雄聲早著於西陲今授鉞元戎偉
績竟收於南服分數明而操縱審且能邁衆以
先登軍需節而籌策深尤善隨機以應變洞知
蠻徼計定則山岳不移爛熟戰場志堅而精神
愈奮功成三捷謀出萬全所當優論超擢者也
四川布政司左布政使羅瑤志慮忠貞才猷宏
遠先聲制勝而處夫處餉水陸各極其調停臨

事防危而本支折支倉庫皆餘於貯積憂勤關
一體之念經濟本八面之才右布政使馮成能
器裕經綸資兼文武始事而同猷共念方履任
而力赴勩當機而遊刃轉丸極擔承而心忘
物我指顧生風雲於掌上咲談出兵甲於胸中
分守川西帶管督糧道左叅政王宮用才氣恢
洪謀猷練達驅馳山阪雖被目疾不辭蒸暑之
勞催督兵夫輒以身先每裕調停之策威信大
行於漢土勩勞茂著于邊陲四川按察司兵巡
下川南道副使李江忠誠任事慷慨臨戎勤早

夜而衝冒乎瘴雨蠻烟半載盡殫心力審張弛
而彈壓乎土兵漢卒諸營悉稟機宜論功較若
權衡執法堅如金石四川布政司分守上川南
帶管下川南道右叅議沈伯龍敏捷異才沉潛
偉識轉輸正餉則碾解載運倉卒辦而悉有章
程措處雜需則牛酒魚鹽巨細充而皆得要領
機裕于風馳之羽檄慮周於星布之屯營四川
按察司屯鹽水利茶法道僉事周思充宅心端
亮持紀嚴明俘馘數千分被虜脅從之科絕無
混亂安插老幼重蠻男婦女之命皆得生全興

疾以犯炎荒防奸而杜冒濫原任四川總兵今
充爲事官郭成氣類鷹揚恩聯虎旅挾必報之
讐而斬關據隘先拔鳳頭奮久創之志而冒險
探巢遂夷猴嶺論功不後所同無前原任貴州
總兵今充爲事官安大朝忠勇性生韜鈴夙練
捐金募士勇赴千里之師期飲恨除兇並舉九
絲之大捷雖貴陽未免東隅之失而桑榆已收
西土之功敘瀘壩底迤西左叅將張澤貌委驍
雄謀亦縝密與士卒分甘啖苦而漢土歸心臨
戰關切齒裂眦而蠻夷落魄凌霄固守寢甲綢

繆九絲並登舉旗鼓譟以上諸臣功當首論內副使李江勞績卓異尤宜優敘郭成安大朝係革任聽勘俱應准贖原罪仍行紀錄以備擢用及據安大朝執稱願爲伊子安榮贖罪但事在彼處未敢定議張澤雖有驛丞董思明被虜之失實爲意外之虞况部下擒斬獨多似應加陞以酌其功者也四川按察司按察使徐行議大征而協恭贊決評元惡而據法得情四川布政司分守下川南道右叅議楊文明計處散兵餉積之糧力任善後屯田之策前任叅議張子仁

志存立功而議論激發事多託始而意氣縱橫貴州按察司分巡貴寧道僉事沈聞威行接壤慮切息爭敘州府知府曠大壯履險危而治水陸之餉道躬營度而建縣堡之倉廩督造火器運船每忍饑而不知日昃綜理甲兵錢穀雖被疾而猶至夜分出納會計精明應酬安詳整裕同知曾可耕驅馳各隘而招緝有方櫛沐多時而軍需有賴保寧府同知容朝望收支勤苦敬事遑恤身圖稽核嚴明奉公不避人怨敘州府今丁憂通判洪一貫臨事有機運籌當可擒首

惡既多深固之謀破凌霄又著經營之績通判
朱充轉運兵糧而劑量無誤綜核出納而侵冒
悉除推官高文炳圖議則計慮深潛而上下胥
賴紀驗則查核明審而真偽不淆龍安府推官
吳文全効紀績之勤勞而艱險不恤汰募卒之
老弱而影射俱清威州知州羅向辰志慮安詳
猷爲精密管理一營糧賞而樽節多方洞悉陸
鄉夷情而謀猷悉中墊江縣知縣陳嘉言捷爲
縣知縣楊汝柵調停供需而費省事濟計處懸
賞而將悅兵懷松潘東路左叅將胡大賓智能

卽戎才堪濟事糧運資防護之力要衝多保障
之功四川都司掌印署都指揮僉事胡恩僉書
署都指揮僉事徐仁威或司篆而軍需戎器之
有資或從征而防突守隘之有備四川行都司
僉書署都指揮僉事侯一位提調總管而防閑
得體守禦尖山而緝捕多功原任遊擊成都前
衛指揮僉書吳繼祖督土兵約束有方處懸賞
鼓舞得算寧越守備沈茂提兵遠涉而克愛克
威奮勇長驅而多才多藝援枹身冒乎矢石
斬關氣貫乎虹霓原任廣東碣石把總福建州

衛左所千戶吳憲理營務造火器經畫有條訓
募兵督戰陣辛勤益著四川行都司僉書瀘州
衛指揮今緣事韓似甫督遊兵而捕緝多功守
要隘而截堵甚驚原任會鹽守備保寧千戶所
指揮今充軍田世武凌霄奮直前之勇九絲効
夾剿之勞以上諸臣功當次論內陳大壯經營
尤劇曾可耕容朝望朱充高文炳羅向辰陳嘉
言楊汝柵勞績獨多沈茂吳憲謀勇尤著似宜
優叙以酬其勞吳繼祖見在空閑相應紀錄韓
似甫田世武俱應准贖原罪者也保寧府通判

丘梁師道立印州知州趙方立嘉定州知州張
應亮宜賓縣知縣許一德溫江縣知縣沈植榮
縣知縣張九思新寧縣知縣王完洪雅縣知縣
王之緒威遠縣知縣張聯奎井研縣知縣張震
彭山縣知縣周應璧巴縣知縣鄭宗學高縣知
縣何汝質富順縣知縣劉方江安縣知縣單汝
光原任敘州府經歷今陞南溪縣知縣陳忠原
任成都縣知縣陳以莊播州宣慰司經歷王慎
或催夫僨運而憂勤備至或選兵散賞而馳驅
不遑且算畫更多兵戎有賴敘南衛指揮尹從

壽郭文魯與周瀘州衛指揮申六謨名色把總
吳鯨劉招桂周于德劉天俸周紹先龔絡郁鳳
張大祥張宋王用王愷胡祿張潤邵榴郭天心
徐軻百戶呂崇舟兵勇周儉出奇制勝而揮戈
於狐丘虎穴之間犯死當鋒而收功於鬼谷鷓
林之內以上諸員役亦當次論內丘梁師道立
許一德張九思勞久功多仍應優論吳鯨周于
德劉招桂督兵及兵勇周儉先登設計擒獲阿
大方三似應特陞周儉擢職以酌茂績者也部
委指揮孫鐙奉差指揮王孝先千戶鄭元勳軍

門中軍官寧川衛指揮伊惟衡敘南衛指揮吳
從周成都右衛指揮李宗望朱承勛朱頤楊應
昇成都前衛指揮周繼商徐慎成都後衛指揮
曹希彬寧川衛指揮陳嗣昌納級指揮劉瑄南
京留守中衛指揮費孔年寧番衛指揮李承恩
茂州衛納級指揮涂可達重慶衛指揮徐椿齡
魏組瀘州衛指揮滕光國雅州千戶所指揮廖
道亨趙爵忠州千戶所指揮羅袍文簡成都中
衛千戶耿應元百戶周世祿李承祖成都後衛
千戶葉拱南百戶彭應年韓師愈王安國迷易

千戶所千戶韓京重慶衛千戶倪能敘南衛千
戶吳元勳吳烈戚芳李必祿百戶樊啓元胡福
丁希堯張之維陳元瀘州衛千戶夏竒百戶于
謙趙懋鎮撫張朝用廣安千戶所千戶楊堂大
渡河千戶所千戶陳暉百戶葉茂林周勳雅州
千戶所千戶劉衛成都右衛百戶李獻忠潘繼
武蘇繼武張承宗潘體乾邢仁江朝宗甘祿程
希閔成都前衛百戶宋震秦松張宗和張仁寧
川衛百戶孔繼祖郭之屏陳一策鎮撫余希忠
越雋衛百戶王鶴齡忠州千戶所百戶王嘉印

貴州平越衛百戶周應武武舉帖文華名色把
總黃希忠陳材黃時濟陳化李建聶永相劉汝
悌謝秉華武秀吳賢李武朱明杜棧王茂劉天
元劉添榮張廷瓚郭天祿吳國正張安福名色
千戶彭良起王思相哨官湯鴻儒應襲劉緹李
師牧郭紹榮安榮或領兵攻寨而淬刃同登或
督兵贊謀而矢心共濟敘州府檢校徐圭簡州
同知張塾嘉定州判官毛元瀘州致仕判官魏
宗陽邛州吏目張茂春鹽亭縣主簿汪東秀雲
陽縣主簿賈奎井研縣主簿楊文楣洪雅縣主

簿周崇恭金堂縣主簿柴仕賢永寧宣撫司經
歷陶漁萬縣典史蔡欽江安縣典史何就雲彭
縣典史黃忠南溪縣典史李珪廣元縣典史蔡
永芳永川縣典史張維城捷爲縣石馬灘巡檢
司巡檢楊瑚江安縣板橋巡檢司巡檢鄒文珙
縣監生何鈺土舍何思頭目阿牛通老黎朝佩
黎朝銀或隨營坐寨而獨犯難危或領兵支餉
而多効勞苦以上諸員役亦應敘論內孫鏗李
宗望張承宗張宗和周世祿李獻忠葉拱南鄭
元勳楊文楣楊瑚鄒文勤勞爲最劉汝悌坐寨
多功周崇恭汪東秀賈奎蔡欽催兵理餉何鈺
入寨撫蠻似應重賞仍各查照功級敘陞黎朝
佩黎朝銀應准贖原罪者也及照史壩驛驛丞
董思明罵賊而被方三刃死名色把總徐子明
誘賊而被阿大射亡合江縣典史張大到任未
久委造火器遭回祿延燒殞命坐營指揮葛瓊
統領營兵以忠憤成疾捐軀營山縣主簿陸韜
青神縣主簿宋謙以軍營効勞病故殊有可矜
俱當優恤以慰忠魂者也臣下當該令典鄧洪
勳唐時并據按察司送到臣處書辦一考後滿

典史龔習箴總兵劉顯下掾史吳應試當烽火
驚心之時幹理一應文移早夜弗遑委効勤苦
亦應敘錄行據布按二司右布政使馮成能副
使李江僉事周思充議呈比照各邊吏何彥清
陳之竒楊曉羅儀等事例免其內外歷役考試
准令給由起送赴部照依本等資格選用似應
俯從其餘功次俱聽巡按御史覈實敘報并供
事指揮千百戶州判縣丞主簿典史巡檢驛丞
等官不能盡錄聽臣分別獎賞除行副使李江
會同總兵劉顯原任總兵郭成參將張澤務將

深箐以次督兵砍伐若再有漏匿鼠賊嚴行搜
捕盡絕以保無虞及通行各縣大出榜文招回
先年流移百姓今已漸次復業并將有功大小
人員先行宴勞量搞陣亡被傷軍兵照例優恤
生擒叛蠻數多該臣於軍前酌行處決并所獲
首級發梟為惡地方俘獲老幼賊屬婦女應變
賣者變價入官不堪變賣者遠行安置被虜人
口查拘親屬領回一應善後事宜踏勘田土清
理疆界建設衙門掣留官兵俱候從長集議明
白具

奏及將所獲諸葛銅鼓并古文銅鐵鍋另本進獻生擒蠻王阿大阿二方三或仍械獻

闕下或就近行巡按御史處決并見監首惡俱候明旨典刑外伏望

皇上

勅下該部查將前項應陞應錄應賞應准贖應免歷免考各員役并阿大等見監賊犯通行覆議上請彰勸典以勵羣工振紀法而圖長治再照臣原請調貴州守備劉天慶并烏銃手參百名以該省巡撫回稱地方一日不可離難以輕發臣卽止調

尚有本省土兵如烏蒙烏撒播州東川鹽井等處屢次差把目齎申各願自當一隊死且不恨臣曉以兵已足用宜安心各守地方是以原

題貴州安國亨安智之兵臣亦置之不調至於奉調土兵該臣節行申飭毋許愆期毋蹈宿弊以取孥究又許以平蠻之日查照功次一體敘論或給冠帶或加服色或准實授以寓鼓舞各官兵聞令莫不踴躍前來爭先効命如永寧宣撫司宣撫奢効忠酉陽宣撫司宣撫冉維屏石柱宣撫司宣撫馬斗斛鎮雄府土舍隴清隴寄梅

平茶長官司土舍楊正崇邑梅長官司長官楊通承石柱土舍馬邦文永寧土舍奢崇禮頭目邵明邦天全招討司土婦馬氏土舍高恒楊萬盛石耶長官司土舍楊正魁平夷長官司副長官王用文蠻夷長官司土舍文安民鎮雄把目胡藻從征雖有先後而均切報

國之忠領兵固有多寡而共收破賊之効均當敘賞內楊正崇襲取九絲奮勇先登土官中能身親戰陣者正崇爲最奢効忠密邇都蠻調兵獨多凌霄九絲獲功俱盛落落武之賊又能設計收

降且父子三人始終勤勞頗知禮義雅有流官之風冉維屏所部之兵素稱被調不馴今次極爲斂戢一兵犯者卽斬以殉卧病營中尤爲敬慎且鳳頭之捷忠勇爲先馬斗斛敬慎忠勇亦大略與冉維屏相等隴清雖素稱有罪而今次兩調邇來一心圖報兄弟謹畏寒暑馳驅據此中縉紳父老咸稱從來調兵未有若斯勤慎以奔命神速以收功者仰見

皇上維新之化無遠不届伏乞併勅該部查照雲南等處用兵土官事例先行酌賜

欽賞仍行巡按御史查明功次類報分別冠帶服色
實授終身職銜將見夷酋寶

大賚之金必流傳於百世子孫希

懋功之典益効順於萬年矣爲此謹題請

旨奉

聖旨這蠻寇蕩平各官効有勞績曾省吾陞都察院
右副都御史廕一子入監讀書照舊巡撫劉顯陞
都督同知還賞銀三十兩紵絲二表裏李江陞一
級馮成能等陞俸一級還同羅瑤各賞銀二十兩
紵絲一表裏郭成安大朝准復原職陳大壯等陞

一級還與徐行等各賞銀十五兩吳鯨等陞二級
還與丘梁等各賞銀十兩孫鐙等并奢効忠各五
兩其餘都依擬阿大等著就彼會官處決梟示本
兵調度有功譚綸廕一子入監讀書汪道昆楊巍
賞銀二十兩紵絲一表裏該司郎中賞銀八兩其
餘的各五兩

重刻確菴曾先生西蜀平蠻全錄卷之三

重刻確菴曾先生西蜀平蠻全錄卷之四

奏議

恭進俘獲古器疏

題爲蕩平都蠻恭

進俘獲古器事據四川布按二司清軍右布政使
馮成能分守下川南道右叅議楊文明兵巡下
川南道副使李江呈據敘州府解送奉臣發下
先該鎮守四川總兵官南京中軍都督府署都
督僉事劉顯等官兵克平九絲城等寨得獲諸
葛銅鼓玖拾叁面今驗擇有聲者天字號貳拾

面地字號貳拾面人字號貳拾肆面共陸拾肆
面銅鍋壹口鐵鍋壹口呈乞驗明解
進等因到臣卷查先據三道陸續呈解前來俱發
該府貯庫已經具本

題報又該臣會同巡按四川監察御史孫代牌行
各道逐一揀擇送臣等覆驗起解除不堪者仍
令照舊收貯外臣等看得都蠻呼銅鼓曰諸葛
鼓相傳以爲寶器審阿大王等執稱鼓有剝蝕
又聲響者爲上上鼓易牛千頭次者七八百頭
遞有等差歲至二三面者卽得雄視一方僭稱

王號每出劫擊鼓高山諸蠻頃刻雲集集則椎
牛數拾頭饗蠻乃出劫劫數勝益以鼓爲靈臣
等細觀所鑄皆竒文異狀相錯蟠僅可辨者雕
螭刻鷲間綴蝦蟆其數皆四縉紳父老云諸葛
製以鎮蠻若曰鼓去則蠻運終理或然也及考
蜀藝文志史臣楊慎所編內稱淳于古禮器也
廣漢什邡人段祖以獻益州刺史蕭鑑高壹尺
陸寸陸分圍叁尺肆寸圓如桶銅色如漆令去
地尺餘以手振之聲如雷清響良久乃絕古所
以節樂然不著所自始今以諸葛鼓證之疑卽

淳于銅鐵鍋貳口皆阿大王所蓄製更奇異識者曰此非鍋乃鼎類也其名曰鶯詩曰漑之釜鶯是也音樂旨歸云鶯大上小下若甌鐺無足和羹用之或曰鬲也亦無足乃其實足以函牛兩耳峙如山形蠻尤以爲至寶卽諸蠻多不得見其重又不啻銅鼓臣等謹按春秋來歸衛俘三傳皆云衛寶解者曰俘取也與書俘厥寶玉義同華陽國志云漢捷爲郡寶鼎輝光於江派今九絲卽捷爲地其爲寶鼎非臣等淺昧所能識第決知必數千年以上物卽殷周末可知後

世莫能製也方今

皇上以天挺明聖

光紹大業純心任賢期登於極治是以宇內和平地不愛寶賁此古噐白環素雉未足擅美前聞是宜獻之

大廷藏之

內府庶幾諧九成之奏佐烹飪之用傳示罔極計廟堂公卿大夫博物洽聞必有知此噐所從來考定其名以爲

皇上頌者臣等謹令製架裝盛差指揮張振上

平蠻錄 卷之四
進外爲此具本謹具題

知

經略平蠻善後疏

題爲經略平蠻地方以裨安攘事據四川布按二司清軍右布政使馮成能兵巡下川南道副使李江分守上下川南道右叅議沈伯龍楊文明呈奉臣案驗照得山都巢穴今已蕩平雖除旣往之兇殘尚慮將來之釁孽蓋一時之功不足取快而百世之計所當永圖仰道會同該鎮并按都二司集議呈詳又奉案行各道親詣管中

相度劑量旁求博訪遵依勘議前來會同鎮守四川總兵官劉顯按察司署印副使管大勳都司署都指揮僉事胡恩條議到臣該臣會同巡按四川監察御史孫代又行逐款面議斟酌古今之宜叅伍漢夷之俗諮諏衆論商確萬全除意見或殊理勢未妥者難以輕議其纖悉委曲不妨隨事變通者又已一面陸續施行所有張官置吏立所建城等項關重大之務係長久之宜者謹條爲十事會議上

請如蒙乞

勅該部再加從長酌議裁以遠猷定之上策使有遵
依庶懲前慮後防禦可以無虞用夏變夷經制
因之漸備往昔稱亂之區今當屹然成一巨鎮
不惟鄰夷近土便於控扼而雲貴壤接亦得相
倚角以永治安矣未敢擅便爲此開欸具本謹

題請

旨兵部覆奉

聖旨縣名改做興文所名與做建武其餘俱依擬

吏部覆奉

聖旨是驛名與做都寧倉名恒裕 戶部覆奉

聖旨依議行

計開

一復兵道查得下川南地方原設守巡兵
備三道隆慶三年內裁減分巡併歸兵
巡一道今照守道駐敘州巡道駐瀘州
皆係內地相去蠻方動逾五日之程且
錢糧獄訟獨多勢難遠周荒徼而九絲
初平經綸草昧之始招攜懷遠均田治
兵其勢必得憲臣專力彈壓方克內修
戎備外震諸夷且總鎮兵權雖重而府

州縣一應軍需糧食非有該道會同明文必難調發故今日爲地方久安之策莫先欽奉

明詔遵守

成法查復兵備與總鎮會同行事使文武相資上下相繫庶克有成合無仍設兵備僉事一員請給

勅書關防於新建鎮城及長寧縣往來駐劄招集兵民充實墩堡整飭紋馬二府瀘州所屬及敘瀘二衛新所并永寧東川鎮雄烏

撒烏蒙等土司地方兼理錢糧訟獄合用官兵卽於所屬各縣民兵內挑選操練附近土兵從宜調遣應用廩糧等項查照原設定規編派及查瀘馬驛見設瀘州衛簡僻無用改入長寧以便供應驛名應合更換請乞

欽定改鑄印記其兵巡下川南道仍舊分巡原領勅書關防暫留捧使以便行事遵候

頒給原印或另更換至日并瀘馬驛舊印徑自奏繳庶事有統紀邊方之憲度一新而職有專司

善後之安攘有賴矣伏候

聖裁

一設府佐照得都蠻既平夷方畫為中土
矣但去府城數百餘里據土司四面之
中勢頗孤懸又山川險阻夷漢錯雜必
得文官分理於下方保無虞但遽議郡
縣則荒惡之區所居未能成聚附之鄰
近縣分則聲勢隔絕未免仍復生奸僉
議謂設同知兼理兵民似為得策及查
敘州府先年仍有通判一員駐劄嘉鎮

督糧後行裁革今見奉

明詔查復

成法合無於該府添設安邊同知一員照依各省海
防事例

欽降關防專駐新築所城管理兵餉收放稅糧清理
詞訟安撫民夷上承兵道委用下定武
職賢否其合用俸薪門皂俱暫於敘州
府屬縣增編待本處糧課起徵即就近
支解各縣增編者除豁凡上司按臨除
考察外其餘時日俱在所城供職不得

以參謁爲由曠廢軍政上司亦不得別項差委容許迎送其收放糧餉合用倉官請乞

欽定倉名銓選一員鑄給印記攢典行布政司查撥一名專聽同知提調稽查庶邊鎮政刑俱有統紀而錢糧出納亦有責成矣伏候

聖裁

一建城垣照得安內攘外固以設險爲要圖而况啓土建邦尤以築城爲首務今

照山都地方周圍數百餘里扼險設要尤必得道里適中形勢之區方足以壯居重馭輕之勢據司道等官奉臣明文看得各寨舊名多惡宜更換以新耳目權將九絲城呼爲平蠻城凌霄城爲拱極城印靶山爲文印山弔猴山爲降蠻山雞冠嶺爲金雞嶺內官寨爲武寧山都都寨爲都定寨隨踏勘得武寧山一處地土寬平風氣湊集坐西向東前對文印山後坐金雞嶺左扼平蠻右倚都

定應於本處建城以爲雄鎮就前面大河爲壕城制周圍計九百丈開東南西北四門內設總兵兵備道衙門同知府館守禦千戶所坐營公署倉場庫獄城隍廟旗纛廟各一所修葺營房一千二百間另立演武廳於馬草坡其合用水石磚瓦等料及造作工費聽守巡道委官估計呈詳修理但前項城寨名色係一時權改臣等未敢擅便及照都蠻既平戎縣縣名亦應改換以易夷風統乞

欽定行臣等刻石遵守併改鑄縣印伏候
聖裁

一移守禦照得城垣旣建應有守禦官軍世守本土而外用招兵協守則主客相濟斯保無虞今照敘南衛三所軍數僅一千有零又經

題撥馬湖府一所難以別議查得附近瀘州衛先與瀘州同郭止設左右中三所成化年間因大壩蠻叛將該衛改調太平九姓二長官司適中之地

奏將重慶衛前所全伍官軍割附瀘州衛湊併肆
所每所額設旗軍一千一百二十名今
蠻既蕩平即當全衛改入九絲但該衛
去新建所城不滿百里分兵兩地同禦
一方聲勢足以相援控扼尤為便益合
無將該衛中前二所官軍割併守禦千
戶一所及將敘南衛原守隘官軍有屯
田附近九絲者行兵備道查明附改新
所差操充實營伍請乞

欽定所名另

頒印信直隸都司仍於敘南瀘州二衛指揮內軍政
考選一員掌管所印吏役聽布政司註
撥其瀘州衛二所舊印另行

奏繳官軍俸糧於該衛原額內照數撥運待貳年
之後於該所田糧內量加衣布銀兩以
優恤邊軍永固疆圉伏候

聖裁

一理疆土照得平蠻地方延袤廣遠疆界
當清而田土膏腴經制宜定東南與永
寧九姓太平二長官司東北與戎長高

珙筠連諸縣西北與鎮雄府威靜二司相連四面界限已經守巡道同總鎮委官清查明白豎立石碑以杜侵爭其見在田土一面委官丈量分別上中下三等上田每畝起科四升中田三升下田二升造冊收查一面廣行招集附近軍民有情願受廛爲氓者各委官就籍名在冊分定某處住居量其人力衆寡撥給田畝卽爲世業仍分別某人上中下田糧各若干新造黃冊註定某里某甲

每年止徵本等額糧本折各半一應驛傳鹽鈔丁差雜泛俱行免派其高山深谷不便耕種者分撥近住居民樵牧俱免起徵內有茶利者仍丈量畝數官佃與軍民深摘每畝徵銀一錢收貯所庫專聽兵道總鎮賞犒軍兵布花之費前項田地稅糧俱待二年之後徵輸聽安邊同知催徵收放置立循環文簿送兵備道稽查及照所城新設遐荒百無一備戍守官員相應酌其職之崇卑將附

近田地量行撥給以敷薪菜馬料之資
總兵衙門田地各一百五十畝同知衙
門田地各八十畝新設千戶所掌印指
揮一員田三十畝千戶每員田二十畝
百戶每員田十畝不拘田地永不起科
其總兵衙門廩給每日五錢於瀘州商
稅銀內動支持新定地方賦有定額即
於本處徵解田地候裁革之時止給一
半與遊擊衙門耕種餘一半入官另行
招人領種辦納糧差伏候

聖裁

一扼要害照得平蠻地方漢夷雜居犬牙
交錯重之險道連雲深林積霧絕谷懸
崖易爲狐兔踰伏之所卽今巢穴雖空
未免逃匿兼之土夷往來彼此構釁必
須多方設備以戒不虞除調到土兵已
經撤散應留軍兵酌量存用外所據有
名險寨及緊要隘關俱應設立堡墩互
相守望今於得窰口魚井坑蠻寨文印
山得杭都定寨得勝營黑帽尖山毛壩

拱極城頂冠山各設堡一所每處用兵五百名又於平蠻城山頂設墩四所脚板崖竹栢嶺金雞嶺阿元寨平寨高寨降蠻山得九麥易營黃連洞和尚寺銅礦溪落照谷爆筆架山口蠻啞飯甑陳四落甕各設墩一所每處用兵伍十名深溝子銅罐芭蕉歇馬青岡每處用兵一百名以上官兵卽於總兵劉顯并原任總兵郭成叅將張澤標兵及上年設隘原兵并今年近募新兵內挑選共足

一萬七千六百名分劄前項堡墩備行總兵劉顯督同大小將領統攝防守一應機宜悉聽總鎮調度候萬曆二年三月終將前兵汰減七千六百名年終汰減五千名止存五千名候調撥軍兵赴所分撥墩堡防禦及待二年後田糧起徵編取民兵再行遞減并各墩堡應留應革亦俟以漸裁議庶軍實既足而錢糧以次可省矣伏候

聖裁

一起民兵照得蠻方險遠應有戍兵防守見今分布各堡隘者俱係雇募官兵漸當裁減今照本處沃田數多應以本地之利供本處之兵庶可以省公帑之費免轉輸之勞所據見在標兵即使授田屯守似亦寓兵於農之意但各兵係四方選集無冊籍可稽而遽使坐受糧餉之人轉驅南畝風氣不調勞苦不耐勢必逃移他日田土荒蕪不無後慮若作軍田照屯則起科則子粒太重人不樂

從募民實塞與額兵屯田事體自難一律衆論叅詳俱屬不便今議招集附近土著軍民領種田土二年之後照畝起科誠爲便利然止徵稅糧不起鄉兵則所取甚微養兵太少亦非長計合議以糧起兵就令於附近隘所防守自衛身家即保甲相聯守望相助之意非所以爲厲也合無待戶籍既定居民湊集之日每糧二石起丁壯一名即今於相近隘堡處所聽委官調度操練防禦安邊

同知親加督理嚴禁堡官私役科求等
弊兵道亦不時稽查以寬恤新民充實
邊土伏候

聖裁

一通道路照得蠻夷未平則阻隘塞關以
遏截爲上蠻夷既平則伐木通道以開
治爲先平蠻地方在萬山之中往來曲
徑俱由箐林絕壁豺虎縱橫往時蠻衆
每由間道出劫而漢民不敢經行必由
羅星落亥迂路需遲今既蕩平巢穴則

山溪便道隨處可通西則由歇馬漢村
達黑帽尖山以入得勝營東則由長寧
達蠻垭口以至毛壩營北則由得空口
達魚井以至文印山及諸小道可以往
來俱行總兵劉顯委撥官兵剪伐林木
開治平夷其外則南廣水路一道直達
新城中間有趙木二灘亦當開濬徑通
舟楫以達該所仍修造大河船拾隻伺
兵備道總鎮衙門巡歷之用陸路自敘
州府經由慶符高縣至珙縣計程速則

三日緩則四五日若自南廣間道從月口漢陽薄刀嶺羅洗場龍灣鎮日半可以逕達珙縣但以中途無止宿之處夫馬無接遞之便遂阻不行今應於羅洗場適中地方設一公館就將戎長高珙慶筠宜賓七縣原僉夫馬內每縣抽取馬十匹共七十匹夫十五名共一百零五名委官一員管束在彼荅應公差只換夫馬不支廩糧再於薄刀嶺漢陽壩二處令慶符縣添設舖分二所自珙縣

起至新所沿途十里設舖與薄刀漢陽二舖每舖俱徃編司兵二名遞送公文應給工食照各縣所轄地方編派屬新所地界者暫行珙縣動支官銀雇募候二年之後於該所應徵稅糧內動銀雇役以上造船水手應修公館舖舍錢糧等項俱聽守巡二道委官估報修理伏候

聖裁

一設社學照得修文來遠貴戢干戈而用

夏變夷莫先教化今蠻荒初闢既建鎮城本宜立學設官以修文教但犬羊餘風遽難盡革且人民招集未多經制應當有漸合無於新所之中設立社學一處大書

聖祖教民榜文掄選近縣年高有德明於講說者二名送赴學中爲教讀塾師令新集之民朔望赴學聽講

聖諭其後生子弟送學訓教詩書漸變夷風歸依大道安邊同知親行提調應給教讀燈油米菜於茶稅銀內動支待後人民湊集生長日蕃另議建學育材庶夷夏同氣而文命覃敷無遠弗届矣伏候

聖裁

一恤民困照得高筠戎珙慶長陸縣人民二百年來被都蠻荼毒最苦最深丁壯非被虜掠即散之四方老弱非遭殺戮即轉於溝壑田地盡成草莽村舍盡成丘墟白骨如麻冤鬼野哭雖有子遺之民挨縣居住亦朝不保暮而陸縣之官

徒擁空名有選出不赴任者有赴任即乞休者此以前時勢孤危有不可盡狀者今仰荷

皇上神武銳意除殘流離之民漸次復業隨據守巡下川南道議得復業艱難將軍前支剩米豆量動四萬石權爲分別賑濟但前米係各倉久貯賑穀所碾幸而因糧於賊得此餘剩堆放之久未免浥爛前項極困之民若非破格蠲免何以慰更生之望扶起瘡痍及照全省順逆水次州

縣轉運兵餉辦理雜需軍機所係急於星火亦屬偏累所當併恤伏覩隆慶六年六月初十日欽奉

詔書內一欸一軍國錢糧隆慶二年三年四年各量免十分之三等因欽遵外及查六縣賦稅不多合無將萬曆元年以前小民拖欠各項錢糧悉從

特免其餘濱江州縣合將前項應免年分錢糧除已免已完外其未完之數俯准減豁以寬小民供辦之力以溥

皇上浩蕩之恩則所謂既出諸水火而又加之衽席之上民益安集歡欣內地實而外患永消矣伏候

聖裁

久任大將疏

題爲亟議久任大將經理善後事宜以便責成事
該臣會同巡按四川監察御史孫代議照九絲地方界在邦域之中外控土夷內障巴蜀壤接雲貴二省形利勢便寔爲要害重地非遠邊絕徼不關有無者可比是以向來稱亂決所當征

今日蕩平決所當守但以艱難屢征而後得之故守以善後其道不易而事亦多端第以所尤要者言之似無亟於久任大將者臣等看得鎮守四川總兵官南京中軍都督府署都督僉事劉顯自少至老立功九絲今日威名益著百姓尸祝視昔有加慮不獲終身留鎮者且其駕馭番夷不徒以勇威能使之畏服用命顯又嘗言本起自孤微以至今官近日感激

皇上任使

天恩得以蕩平九絲思欲捐軀圖報誓不顧私家臣

等甚壯之因勉以不必遠求圖報但將九絲一處力任鎮守經營變爲中土永保無虞其爲忠勤亦不細矣顯即復奮然願得擔承期以數年之中可設郡縣可興學校臣等因念我太祖命大將沐英征雲南滇夷悉平即用鎮守其地故雲南至今列爲名藩

成祖命大將張輔討平交趾亦即以鎮守未幾取還交趾遂不能固又如成化中兵部尚書程信克平大壩卽保留總兵韓克忠陞都督撫綏六年始取回京嘉靖中總兵何卿經營松茂安綿垂

三十餘年乃罷而臣嘗周覽其所創牆隘墩堡樓堞橋梁星列棊布及開關通道甚備永爲百世之利此雖遠近難易不同然皆往事之明鑒蓋非獨以威望爲足以彈壓蠻方乃其處心積慮懲前鑒後將所爲周防曲備者當自中其機宜而且受

恩高厚亦自不敢不竭其力也故今日急務莫若責成劉顯留鎮數年又頗重其事權使不掣肘以期底績伏乞

皇上

平蠻錄 卷之四
勅下該部再加查議如果臣等所言不謬早爲上
請另給本將

勅書一道付以善後諸事會同兵備守巡官著實舉
行務在公介忘私

國介忘家以副重任凡附近宣慰宣撫土知府招
討等土司衙門俱聽節制慶高戎珙筠長等縣
係有軍務相關亦要依令處濟不得有違其敘
瀘守備照舊聽調防禦叅將張澤暫留本處協
同經理待經制大定郡縣可設學校可興總兵
守備另議裁革添設遊擊一員專駐本所詰兵

禦夷叅將仍駐永寧庶西南一帶諸夷震懾之
餘心志益定新拓土宇卽成要區而本將功名
永垂光於竹帛矣爲此具本謹題請

旨奉

聖旨是劉顯准留鎮守著悉心經理善後事宜永靖
地方

新定地方薦補官員疏

題爲新定地方設復兵備府佐就近擇補賢能以
圖治安事照得平蠻善後事宜已據都布按三
司守巡該道等官集議前來該臣會同巡按四

川監察御史孫代逐欵面議相同另本具

題外所有應復兵備僉事及安邊同知各一員該

臣等再議事難創始官在得人前項二官儻蒙

皇上俯賜允設誠爲幸甚但必求其人似不易得非

老成歷練曉兵事諳夷情又始終征蠻之務屢

試見效者懼無補於設官之有無而地方安危

大計非可以輕授數更爲者臣等於此不敢不

慎則各爲周諮博訪以證所見於是得威州知

州羅向辰龍安府推官吳文全二人在羅向辰

則性資沉毅才識安詳隨營監理衆務不動聲

色各就條理每有建白惟在切中機宜不隨不

激亦無繁詞而操持清潔又不事表暴向嘗任

廣東兵備矣以議事不合左遷今官及考其從

來才守俱優寔宜重用似堪充兵備僉事之選

者也在吳文全賦性真誠居身儉約一入軍營

先訪道里險易以助折衝蕩平之後躬爲相度

復圖形勝以資建立聽其言似不足考其行則

有餘而一切稽查皆極詳妥至於攻苦茹淡尤

人所難似堪充同知之選者也夫以共事征蠻

各有司官員非不廉幹公勤各臻實效若較其

資望相應能勝艱苦而其志又直前任事則無出二臣之右者臣等是以冒昧特爲薦之以効地方愚計以備採擇伏乞

皇上軫念新拓土宇需才爲急

勅下吏部再加查議如果臣等所言不謬將羅向辰推補敘瀘兵備僉事吳文全推補安邊同知帶銜敘州府聽臣等催促作速到任責成悉心幹理如果三年政成軍民安堵仍聽臣等具實旌薦給與應得

恩典優其俸給候六年通敘不次超擢庶用當其材而事無不集其於創始諸務必足爲久安長治之規矣爲此具本謹題請

旨奉

聖旨是

議處更調官員疏

題爲議處不及縣官就近更調以裨平蠻善後事

該臣會同巡按四川監察御史孫代議照都蠻

雖已蕩平所有長珙戎高筠慶六縣殘害日久

目今撫摩疾苦招集流移當務爲休養生息及

於山都地方建立城池控設要害一應新創事

規俱賴六縣正官勵精任事指臂相使安攘相成乃克有濟一有不稱誤事匪輕除高縣知縣何汝質筠連縣知縣任體道俱賢能稱職堪以久任慶符縣去叙州府爲近知縣嵇錕才雖精劣尚堪備員戎縣知縣劉子謙不能稱職已經論調及蒙將經歷王慎陞補堪任外看得長寧縣在山都之東珙縣在山都之北二縣向遭虔劉視他縣爲最酷乃有長寧縣知縣張應極久抱沉痾精神疲弊雖勉強視息而百務廢弛奸吏猾胥任其縱橫莫能詰問珙縣知縣朱國正

年力甚壯才思欠充前當大征之時每每當堂啼泣錢糧出入吏庫巧爲侵分漫無覺察在張應極則難勝牧民之任在朱國正則有妨經始之圖但其到任俱屬未久難以遽棄所當量爲分別擬降擬調者也及照納谿縣知縣高巖政有執持資甚通敏當水陸交衝之地事事節省調停民用和輯但邑小才優官多餘暇似堪改任長寧彭山縣知縣周應璧醇厚之質明達之才初任縣事煥然改觀民懷吏畏及委以營中理餉尤見綜畫精詳似堪改任珙縣其彭山縣

平靈錄 卷之四
地僻事簡似宜卽以朱國正調補既經策勵或
可期以後功伏乞

皇上

勅下吏部再加體訪如果臣等所言不謬將張應極
改降教職朱國正改調彭山高巖周應璧各調
補前缺俟其久任果有成效破格推陞或擬行
取納谿縣員缺另行推補庶繁簡各當其才而
衆職畢舉之餘其於善後事宜必大有所裨益
矣爲此具本謹題請

旨奉

聖旨是

陞陜謝

恩疏

奏爲恭謝

天恩事萬曆二年三月初一日准吏部咨爲仰仗
天威蕩平都蠻廓清疆土恭報全捷事准兵部咨該

臣

題前事本部議覆題奉

聖旨這蠻寇蕩平各官効有勞績曾省吾陞都察院
右副都御史陞一子入監讀書照舊巡撫欽此欽

平蠻錄 卷之四
遵備咨到臣除焚香望

闕叩首謝

恩外臣誠惶誠恐稽首頓首稱謝者伏以奉

命徂征六月獲師中之吉論功

行賞

九天來晉錫之榮陞履兼蒙感慚交極竊念臣學未諳乎軍旅職專在於拊循有蠻不恭誰領疆場之責爲民伐罪自修官守之常第若機會未逢即賢哲拘攣而難任事迨茲

明良相遇故庸愚奮發而可成功恭惟

皇上天縱其資甫

繼照而眷然西顧

神耀其武正

中興而斷以南征勝算密運於

廟堂遠猷肅將於樞筦在

朝竭股肱之力既已本於

元首之明在野効走逐之能寔又原於發蹤之巧臣獨何績之可錄

帝乃匪頒之特隆驅馳舊官正恐續貂而憲臺更驟

平蠻錄 卷之四
躋三品俯仰弱質尚驚寵鶴而

國學復

延賞一丁祇受則器寔懼於滿盈控辭則例有妨
於逾越臣敢不力圖經略但知

恩重身輕志矢捐糜未論汲長綆短罔以前功而有
怠期於後効以無虞使蠻荒漸入文明戢于戈
而橐弓矢令益部盡安教養悅禮樂而敦詩書
庶少裨來王來享之

鴻休而永振厥聲厥靈之

駿烈臣無任瞻

天仰

聖感激屏營之至爲此具本謹具奏

聞

重刻確菴曾先生西蜀平蠻全錄卷之四